

Aruba, unda nos ta bay?

Educacion natural y di medio ambiente, nos ta hasi suficiente?

Skirbi pa studiantenan:

Dwight, Mata, Mariana, Angela, Rivelina Peltier & Stephanie Croes

Bao educacion natural y medio-ambiente (ENM) nos ta referi riba nivel di siña- y hasi hende conciente tocante medio-ambiente y concientizacion pa medio-ambiente. Na Aruba tin diferente organizacion no gubernamental (NGO's) cu ta concentra riba medio-ambiente e.o. Stimaruba, Accion Ambiental, Rainbow Warriors, etc.....

E NGO's nan aki tin un programa extenso unda nan ta tene nan mes activa henter aña cu medio-ambiente y esaki ta algo di admira.

Aunke nan ta hasi nan best esaki no ta suficiente pasbrao e no ta duna e fruto desea.

Den un encuesta teni na un scol di MAVO alumnonan di nivel 3, a bin padilanti cu e alumno nan aki aparentemente no tabata tin mucho

conocemento di medio-ambiente.

NGO's

Den e ultimo aña nan tin indicacion cu e concientizacion pa medio-ambiente cerca e pueblo a subi.

Organizacionnan Ambiental manera Stimaruba, Accion Ambiental, Rainbow Warriors y otro nan ta hayando mas miembro.

Cada un di e diferente organizacionnan ambiental tin su mes un meta. Por ehempel:

1. Concientizacion pa medioambiente y preservacion den forma di desaroyo tanto local manera regional.
2. Formacion di desaroyo di e mente preservacional na Aruba y mantencion y preservacion di esaki.

3. Formacion di un estructura social pa asunto nan cu tin conexcion cu medioambiente, cu atencion social, economico, comunitario y salubridad publico.

Pa logra nan meta, nan ta tene diferente actividad manera:

Charla, tanto na scolnan como na interesado nan; Trahamento di posters, films, calender, revista y folders; Organizacion di caminata natural, speurtochten y milieukamp.

Manera anteriormente menciona tin diferente NGO's cu ta traha pa medio-ambiente. Tur tin mas o menos mes un meta y cu ta traha hunto. Pero si ta asina cu mayoria NGO's ta diferencia den planes pa cu ENM, pero pa motibo di falta di fondo mayoria di e plannan no lo yega na concretiza.

Otro factor cu ta stroba ta cu tin un falta di leynan pa reforza e accion nan. Loke tambe ta hasi falta ta e

atencion di Medionan di comunicacion riba tereno di medio-ambiental.

A base di e encuesta teni cu e alumnonan di MAVO-3 aña pasa(alumnonan entre 15 y 18 aña, nos a constata cu e alumno nan aki tin poco conocimiento pa cu medio-ambiente y mantencion di esaki.

Na un pregunta manera: Kico bo ta compronde bou di medio-ambiente? A contesta: "Medio-ambiente ta sushidad, turistanan ta mira e su-shi".

A base di esaki nos por conclui cu e conocimiento pa cu medio-ambiente ta laga hopi di desea.

Tambe a controla e interes di e alumnonan pa cambia nan estilo di bida pa mehora e sistema ambiental y e alumnonan a muestra hopi interes den cambia otronan pero no a muestra interes pa cambia nan mes.

Posibel motibonan pa e falta

di conocimiento y interes di e alumno nan tin diferente pero no ta hasi caso pa menciona nan. Mencionando nan lo no trece un solucion pa e problema. Loke lo por trece un solucion pa e problema ta un sistema estructura den enseñansa pa educacion di ENM.

Mester bisa cu e introduccion di ciclo basico a tuma lugar hopi cambianan y tin hopi atencion duna na e educacion aki. Pa loke ta e aporte di scol. Aunke cu e fruto di esaki lo por mira aki algun aña ya cu e desaroyo ta muestra di ta uno hopi bon.

Aruba unda nos ta bai?

Kiko nos ta warda?

Dicon nos no ta cuminza awor?

Si e diferente NGO's traha hunto cu gobierno (den un forma no politico), Directie Onderwijs y e diferente medionan di comunicacion riba e isla, lo por sigur influencia di jong pa bieu. Tin diferente forma pa influencia e pueblo positivamente.